

## *Ndi Isinemke Fi?* (Mme Hebrew 13:15)

1. Ndi 'sinemke fi,  
     k'ini ọkworọd'iko,  
 K'ini esinde idem  
     ekpep mm'owo Bible?  
 Abasi ọfiok mmọ  
     emi emade Enye.  
 Enye iditreketre  
     ndinam s'isuhode.

*(KOROS)*

*Esinenem ndinam utom,  
     utom Ọbọñ, k'of'ri ukpọñ.  
 Iyotoro Abasi nnyin  
     K'emi ye ke nsinsi.*

2. Ndi 'sinemke fi,  
     k'ini ukwor'iko fo  
 enemde mm'owo ndikop  
     sia mmọ emad'uwem?  
 Kpa ye usuk owo  
     mîmaha s'ikworode.  
 Esinem ndinam mm'owo  
     efiok Abasi nnyin.

*(Koros)*

3. Ndi 'sinemke fi,  
ndikut ubok Abasi,  
K'ini ekpepde mm'owo  
s'enye odoñde fi?  
Esinem ndisaña  
nyom mme eron Abasi,  
Inyuan ikpep mmọ Bible,  
sia ini okure.

(Koros)